

# EFTIRLITSSKÝRSLA

## Langanesbyggð Bakkaf Bakkafjörður



Dags eftirlits	24.9.2020	Ábyrgðarmaður eftirlits	Sigríður Magnúsdóttir
Fyrirtæki	Langanesbyggð Bakkaf	Eftirlitsmaður	
Heimili	Fjarðarvegi 3	Tegund eftirlits	Reglubundið
Kennitala	420369-1749	Flokkur	Úrgangur og efnamóttaka
Fulltrúi fyrirtækis	Jónas Egilsson	ÍSAT nr.	38.21.0
Fulltrúi fyrirtækis	Jón Rúnar Jónsson	Staðsetning	

### NIÐURSTAÐA EFTIRLITS

Við eftirlit komu fram fjögur frávík er varða úrgang í geymslu, frágang urðunarreina og skil á skráningum.

### UMFANG EFTIRLITS

Fram fór reglubundið eftirlit með urðunarstað Langanesbyggðar á Bakkafirði. Fyrirvaralaus vettvangsheimsókn fór fram 24. september sl. og fjarfundur var haldinn 7. október sl. Umfangið var eftirfarandi:

- Umfang starfseminnar (gr. 1.2 í starfsleyfi)
- Móttaka og skráning úrgangs (gr. 3.2)
- Varnir gegn foki úrgangsefna og frágangur urðunarreina (gr. 3.5, 3.11)
- Skráningar og mælingar (gr. 4.1 og 4.2)
- Niðurstöður fyrri eftirlita
- Áhættumat til ákvörðunar á tíðni eftirlitsferða
- Kynning á reglugerð nr. 674/2017 um aukaafurðir dýra

Á urðunarstað Langanesbyggðar voru urðuð 197 tonn af úrgangi árið 2019, en þar er heimilt að taka á móti og urða 200 tonn af úrgangi.

Úrgangur sem berst á urðunarstaðinn er ekki vigtaður heldur er magn áætlað út frá rúmmáli gáma sem úrgangurinn er fluttur í.

Í vettvangsheimsókn var hlið læst og girðing í lagi, ekki var vinna í gangi á urðunarstaðnum. Ekki voru ummerki um fok frá urðunarstaðnum. Nokkur úrgangur sást í urðunarreinum, s.s. dýnur og timbur, sem bendir til þess að frágangi við yfirlag sé ábótavant. Samkvæmt gr. 3.11 í starfsleyfi skal úrgangur sem lagður er í urðunarrein birgður samdægurs með þekjulagi sem er að lágmarki 15 cm þykkt. Nokkuð var um úrgang í geymslu á urðunarstaðnum, s.s. ísskápa, fiskikör og brotajárn, en ekki er heimild í starfsleyfi fyrir geymslu úrgangs á urðunarstaðnum.

Rætt var um skráningar og mælingar, sbr. gr. 4.1 og 4.2 í starfsleyfi. Skráningum vegna tl. 2, 3, 4, 5 og 7-11 hefur ekki verið skilað. Skil á skráningum vegna tl. 6 eru ekki fullnægjandi. Samkvæmt upplýsingum frá rekstraraðila hafa verið vandræði með grunnvatnsbrunna á urðunarstaðnum en því hefur nú verið komið í lag og hefur rekstraraðili sent inn myndir því til staðfestingar. Einnig var rætt um umhverfismarkmið og kom fram að rekstraraðili hefði sent umhverfismarkmið til eftirlitsaðila 6. maí 2019.

Farið var yfir áhættumat til ákvörðunar á tíðni eftirlitsferða, en samkvæmt 57. gr. reglugerðar nr. 550/2018 um losun frá atvinnurekstri og mengunarvarnaeftirlit ber Umhverfisstofnun nú að ákvarða tíðni eftirlits út frá mati á umhverfisáhættu starfsemi undir eftirliti stofnunarinnar. Urðunarstaður Langanesbyggðar er sem stendur í flokki B með 17 stig sem gerir reglubundið eftirlit einu sinni á ári. Rætt var um hvar rekstraraðili gæti bætt verklag sitt og þannig átt möguleika á að skora lægra í áhættumatinu. Áhættumat er endurskoðað samhliða eftirliti.

Kynnt var stuttlega reglugerð nr. 674/2017 um heilbrigðisreglur að því er varðar aukaafurðir dýra og afleiddar afurðir sem ekki eru ætlaðar til manneldis og möguleg áhrif hennar starfsemi urðunarstaðarins.

#### Frávík frá

#### Lýsing á frávíki

gr. 1.2 í starfsleyfi

Á urðunarstaðnum er heimilt að taka á móti og urða úrgang. Nokkuð var um úrgang í geymslu á urðunarstaðnum, en ekki er heimild í starfsleyfi fyrir geymslu úrgangs á urðunarstaðnum.

- gr. 3.1 í starfsleyfi Úrgangur sem lagður hefur verið í urðunarhólf skal birgður samdægurs með þekjuefni sem kemur í veg fyrir fok, ónæði, ólykt, hættu og aðgang meindýra og vargfugls. Við eftirlit var urðunarhólf opið og úrgangur ekki birgður.
- gr. 4.1 í starfsleyfi Rekstraraðili skal hafa reglulegt eftirlit með umhverfis- og rekstrarþáttum sem valdið geta mengun. Skráningar vegna t.l. 2. – 11 voru ekki tiltækar eða fullnægjandi við eftirlit.
- gr. 4.4 í starfsleyfi Rekstraraðili skal skila eftirlitsaðila niðurstöðum skráninga, sbr. gr. 4.1, fyrir 1. maí ár hvert fyrir undangengið almanaksár, sbr. 19. gr. laga nr. 55/2003 um meðhöndlun úrgangs. Við eftirlit höfðu ekki borist fullnægjandi skráningar til eftirlitsaðila.

**1** Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.  
**2** Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 15.12.2020



Sigríður Magnúsdóttir